

萬載縣志卷二

沿革

夏禹宅九州屬揚州

商祖甲二十八祀屬吳

史記世家泰伯之荆蠻自號句吳

周元王四年越滅吳屬越

世家正義袁吉虔撫歛宣並越西境

顯王三十六年楚威王滅屬楚

秦始皇二十六年分天下為三十六郡屬九江郡

漢高祖六年置建成縣隸豫章郡

萬載縣志

卷二

沿革

漢書地理志豫章郡領縣十八其十二曰建成注蜀水東至

南昌入湖此縣地為建成之證

新莽改名多聚縣隸九江郡

地理志注豫章郡莽曰九江建成莽曰多聚

東漢世祖建武元年復名建成隸豫章郡

靈帝中平年置上蔡縣

按上蔡縣郡國志注中平年立大平寰宇記後漢靈帝析

建成置孫吳增置陽樂宜豐二縣晉武帝大康元年上蔡

改名望蔡因改陽樂為康樂又云豐城縣此蓋宜豐之訛吳大帝

自上蔡縣分置陽樂縣吳大帝於上蔡縣分置廣輿記上

高晉望蔡新昌吳宜豐萬載吳陽樂據此則陽樂宜豐俱
上蔡分地雖上高新昌東境割隸莫考而陽樂未置縣時
萬境固全隸上蔡也

孫吳大帝黃武中置陽樂縣

晉武帝大康元年改名康樂縣

惠帝元康元年割屬江州都督

隋文帝開皇九年并入建成縣隸洪州總管府

煬帝大業二年仍隸豫章郡

是年廢總管仍爲郡

唐高祖武德五年復置陽樂隸靖州

萬載縣志

卷二 沿革

二

七年隸筠州

按寰宇記是年改靖州爲樂州又爲筠州

八年并入高安屬洪州都督府

太宗貞觀元年屬江南道

元宗開元二十一年分屬江南西道

懿宗咸通六年屬鎮南軍

按唐志是年五月以江南西道置鎮南軍於洪州改觀察
使爲節度使

哀宗天祐三年屬揚吳

揚吳天祐間置萬載場

按吳王分高安之萬載鄉置萬載場因鄉以名場萬載之名昉此舊志年代舛誤今訂正

順義元年置萬載縣

按安志李守郡志是年分高安四鄉寰宇記進城康樂高侯萬載等鄉置

萬載縣立縣實昉此

南唐保大十年割隸筠州

按安志李志是年升高安為筠州遂以萬載為筠屬邑又

按寰宇記萬載縣去州一百里舊五鄉今四鄉本高安縣地偽吳順義

元年分高安進城康樂高侯等四鄉置萬載場因其鄉以

名其地偽唐保大十年升高安縣為筠州遂升萬載場為

萬載縣志

卷二

沿革

三

縣以屬焉據此則屬筠之日始升場為縣也攷五代史職

方攷云筠州南唐李景置割洪州之高安上高萬載清江

四縣為屬而治高安南唐世家云保大十年分洪州之高

安清江萬載上高四縣地置筠州夫曰割縣為屬曰分縣

置州則萬載屬洪時已為縣明矣十國春秋云南唐保大

十年正月復置筠州於高安領縣四附注云楊吳置萬載

屬洪州一本誤作袁南唐時來屬筠州則與安志李志順義元

年置縣文合置場應在順義前升縣即在割鄉時樂氏誤

以割鄉為置場耳攷升場為縣不獨萬載如靖安上高德

興安仁鉛山上猶龍南石城金谿比比皆是當置場之始

惟聞析地立場未聞割數鄉屬之者惟金谿塲嘗并白馬
一鄉此殆因塲地附近或阡治所必資若萬載塲置於萬
載鄉自有鐵山且僻在西境西豈能遠馭四鄉然則四鄉
之分實立縣非置塲也徐昇修縣治記亦踵其謬今叅攷
史書斷從安志李志云

宋太祖開寶八年隸袁州爲繁縣

徽宗宣和三年更名建成縣

高宗紹興元年復名萬載縣

元世祖至元十九年隸袁州路

元地理志

萬載縣志

卷二

沿革

四

明太祖二年隸袁州府

郡李志及清江志太祖於元至正二十二年春平江西二十
四年改袁州路爲府

國朝因之編戶一百四里